

ლანჩხუთის მუნიციპალიტეტის საკრებულოს  
„იურიდიულ საკითხთა და ეთიკის“ კომისიის  
სხდომის ოქმი N5

ქ. ლანჩხუთი

20.06.2024 წელი

12:00 საათი

**სხდომას უძღვებოდა:** „იურიდიულ საკითხთა და ეთიკის“ კომისიის თავმჯდომარე, გიორგი ხელაძე.

**სხდომას ესწრებოდნენ კომისიის წევრები:** ია მოქია, დარეჯან ბურჭულაძე, ნინო მშვიდლობაძე და კარლო წილოსანი.

**არ ესწრებოდნენ:** ვახა ასკურავა და მაკა მშვიდლობაძე.

**სხდომას ასევე ესწრებოდნენ მოწვეული სტუმრები:** მერიის ინფრასტრუქტურის, სივრცითი მოწყობისა და ეკონომიკის სამსახურის, ეკონომიკისა და საინვესტიციო პროექტების განყოფილების უფროსო **მაია აფხაზავა**, საკრებულოს აპარატის მესამე რანგის პირველი კატეგორიის უფროსი სპეციალისტი საზოგადოებასთან ურთიერთობის საკითხებში: **ლამა სარჯველაძე** და საკრებულოს აპარატის მეოთხე რანგის პირველი კატეგორიის უმცროსი სპეციალისტი **ია ბარამიძე**.

**სხდომის თავმჯდომარემ, გიორგი ხელაძემ სხდომა გახსნილად გამოაცხადა და კომისიის წევრებს გააცნო დღის წესრიგის პროექტი:**

1. „ლანჩხუთის მუნიციპალიტეტის ადმინისტრაციულ საზღვრებში ეკონომიკის რეგულირებად სფეროებად განსაზღვრული რეგულარული სამგზავრო გადაყვანის M2 და M3 კატეგორიების ავტოსატრანსპორტო საშუალებების მარშრუტებზე მგზავრობის ტარიფებისა და შეღავათების დამტკიცების შესახებ“ ლანჩხუთის მუნიციპალიტეტის საკრებულოს დადგენილების პროექტის განხილვა.

**/მომხსენებლები: გიორგი ხელაძე; მაია აფხაზავა/**

2. სხვადასხვა საკითხები.

**დღის წესრიგის პირველი საკითხი:** „ლანჩხუთის მუნიციპალიტეტის ადმინისტრაციულ საზღვრებში ეკონომიკის რეგულირებად სფეროებად განსაზღვრული რეგულარული სამგზავრო გადაყვანის M2 და M3 კატეგორიების ავტოსატრანსპორტო საშუალებების მარშრუტებზე მგზავრობის ტარიფებისა და შეღავათების დამტკიცების შესახებ“ ლანჩხუთის მუნიციპალიტეტის საკრებულოს დადგენილების პროექტი სხდომას გააცნო ლანჩხუთის მუნიციპალიტეტის მერიის ინფრასტრუქტურის, სივრცითი მოწყობისა და ეკონომიკის სამსახურის, ეკონომიკისა და საინვესტიციო პროექტების განყოფილების უფროსმა მაია აფხაზავამ და განმარტა, რომ მუნიციპალიტეტმა შეიძინა 5 ერთეული სამგზავრო ავტობუსი, რომლებიც იმობრავებს კონკრეტულ მარშრუტებზე. დადგენილების პრეამბულაში მითითებული ნორმატიული აქტების შესაბამისად, აუცილებელია საკრებულომ განსაზღვროს სამგზავრო ტარიფები. ყოველივე ზემოაღნიშნულიდან გამომდინარე შემუშავდა დადგენილების პროექტი. მან აღნიშნა, რომ ლანჩხუთის მუნიციპალიტეტის მერია უზრუნველყოფს სამგზავრო პლასტიკური ბარათების დამზადებასა და გაცემას. ლანჩხუთის მუნიციპალიტეტის ადმინისტრაციულ საზღვრებში რეგულარული სამგზავრო გადაყვანის M2 და M3 კატეგორიების ავტოსატრანსპორტო საშუალებების მარშრუტებზე შეღავათებით სარგებლობის უფლების მქონე პირებად განისაზღვრა ლანჩხუთის მუნიციპალიტეტის ადმინისტრაციულ საზღვრებში მდებარე საჯარო სამართლის იურიდიული პირის – ზოგადსაგანმანათლებლო დაწესებულებების მოსწავლეები 17 (ჩვიდმეტი) წლის ასაკამდე. უფლებამოსილი სუბიექტის მიერ გაცემული ბარათის დაზიანების ან დაკარგვის, თუ ორივე შემთხვევაში წარმოიშვა ახალი ბარათის გაცემის აუცილებლობა, ბარათის აღდგენის თხოვნით ბარათის გამცემს მიმართავს ბარათის კანონიერი მფლობელი და ბარათის აღდგენისთვის მასვე ეკისრება ბარათის გამცემის ანგარიშზე შესაბამისი თანხის გადახდა. ამ დადგენილების მე-2 მუხლით გათვალისწინებული პირთა კატეგორიისათვის განკუთვნილი სამგზავრო პლასტიკური ბარათის სხვა პირთა მიერ მგზავრობისათვის გამოყენება ან ამ ბარათის სხვა პირზე ნებისმიერი ფორმით გადაცემა, რასაც მოჰყვა არაუფლებამოსილი პირის მიერ ბარათით სამგზავრო ბილეთის აღება, ექვემდებარება სამართალდამრღვევი პირის საქართველოს კანონმდებლობის შესაბამისად დაჯარიმებას უფლებამოსილი პირის მიერ, რომელიც დაუყოვნებლივ იღებს გადაწყვეტილებას შეღავათიანი მგზავრობის ტარიფით მოსარგებლე პირის/პირების სამგზავრო პლასტიკური ბარათის სამგზავრო ფუნქციის დაბლოკვის შესახებ და უზრუნველყოფს უფლებამოსილი სუბიექტისთვის შესაბამისი ინფორმაციის მიწოდებას ბარათის დაბლოკვის მიზნით. ბარათის სამგზავრო ფუნქციის დაბლოკვა ხორციელდება 30 (ოცდაათი) კალენდარული დღის ვადით, ხოლო იგივე ქმედების განმეორებით ჩადენა გამოიწვევს ბარათის სამგზავრო ფუნქციის დაბლოკვას 90 (ოთხმოდდაათი) კალენდარული დღის ვადით. აღნიშნული ვადის გასვლის შემდეგ, ბარათი ექვემდებარება უფასო განბლოკვას. არასამეწარმეო (არაკომერციული) იურიდიული პირი „ლანჩხუთის მუნიციპალიტეტის კეთილმოწყობისა და მომსახურების ცენტრი“ მოთხოვნის საფუძველზე, მოთხოვნის მიღებისთანავე (მაგრამ არაუგვიანეს 2 (ორი) სამუშაო დღისა) უზრუნველყოფს ბარათის დაბლოკვას. ამ დადგენილების მე-2 მუხლით განსაზღვრული შეღავათიანი მგზავრობის ტარიფით მოსარგებლე პირებზე სამგზავრო პლასტიკური ბარათის გაცემა/აღდგენა ხორციელდება მათ მიერ „ლანჩხუთის მუნიციპალიტეტის კეთილმოწყობისა და მომსახურების ცენტრი“-სთვის მიმართვის საფუძველზე. ამ დადგენილების მე-2 მუხლით განსაზღვრული შეღავათიანი მგზავრობის ტარიფით სარგებლობის მიზნით გასაცემი

სამგზავრო პერსონიფიცირებული პლასტიკური ბარათის მისაღებად წარმოდგენილი უნდა იქნეს შესაბამისი სტატუსისა და პირადობის დამადასტურებელი დოკუმენტი. ამ დადგენილების პირველი მუხლით გათვალისწინებული ტარიფები ჩაირიცხოს არასამეწარმეო (არაკომერციული) იურიდიული პირის „ლანჩუთის მუნიციპალიტეტის კეთილმოწყობისა და მომსახურების ცენტრი“-ს საბანკო ანგარიშზე. მიღებული შემოსავალი მოხმარდეს ლანჩუთის მუნიციპალიტეტის ადმინისტრაციულ საზღვრებში ეკონომიკის რეგულირებად სფეროებად განსაზღვრული რეგულარული სამგზავრო გადაყვანის M2 და M3 კატეგორიების ავტოსატრანსპორტო საშუალებების უზრუნველყოფას. არასამეწარმეო (არაკომერციულმა) იურიდიულმა პირმა „ლანჩუთის მუნიციპალიტეტის კეთილმოწყობისა და მომსახურების ცენტრი“ ექვს თვეში ერთჯერ უნდა უზრუნველყოს ლანჩუთის მუნიციპალიტეტის მერისათვის ინფორმაციის მიწოდება ფაქტობრივად გადაყვანილ (მათ შორის, შეღავათიანი მგზავრობის ტარიფით მოსარგებლე) მგზავრობის რაოდენობისა და არასამეწარმეო (არაკომერციული) იურიდიული პირის „ლანჩუთის მუნიციპალიტეტის კეთილმოწყობისა და მომსახურების ცენტრი“-ს საბანკო ანგარიშზე მგზავრობის საფასურიდან შემოსული თანხების შესახებ.

მარშრუტებზე სამგზავრო ტარიფები განისაზღვრა შემდეგნაირად:

**ლანჩუთი - გრიგოლეთი - წყალწმინდა - 2 ლარი**

**ლანჩუთი - ჯაპანა - 1 ლარი**

**ლანჩუთი - ეწერი - 1 ლარი**

**ლანჩუთი - აცანა - მამათი - 2 ლარი**

**ლანჩუთი - ჩოჩხათი - გულიანი - 2 ლარი.**

კომისიის თავმჯდომარემ გიორგი ხელაძემ აღნიშნა, რომ შესაძლებელია მოხდეს აკეთის ადმინისტრაციული ერთეულისთვის კიდევ ერთი სამგზავრო ავტობუსის დამატება. ასევე აღნიშნა, რომ მგზავრობა სკოლის მოსწავლეებისთვის უფასოა.

**კომისიის წევრების მიერ დადგენილების პროექტთან დაკავშირებით შენიშვნები და წინადადებები არ გამოთქმულა.**

**მომხრე 5; წინააღმდეგი არც ერთი.**

**სხვადასხვა:** დეპუტატმა დარეჯან ბურჭულაძემ აღნიშნა, რომ ქალაქის ადმინისტრაციული შენობა რემონტდება, რაც მისასაღმებელია. მისი თქმით კარგი იქნება თუ მოხდება ავეჯის შეცვლა.

**ამით კომისიის სხდომამ მუშაობა დაასრულა.**

**ლანჩუთის მუნიციპალიტეტის საკრებულოს „იურიდიულ**

**საკითხთა და ეთიკის“ კომისიის თავმჯდომარე**



**/გიორგი ხელაძე/**



ლანჩხუთის მუნიციპალიტეტის საკრებულოს იურიდიულ  
საკითხთა და ეთიკის კომისიის სხდომის  
დასკვნა №5

20.06.2024 წელი  
12.00 საათი

მიმდინარე წლის 20 ივნისს მოწვეულ იქნა ლანჩხუთის მუნიციპალიტეტის საკრებულოს იურიდიულ საკითხთა და ეთიკის კომისია.

სხდომამ განიხილა დღის წესრიგით გათვალისწინებული შემდეგი საკითხი:

1. „ლანჩხუთის მუნიციპალიტეტის ადმინისტრაციულ საზღვრებში ეკონომიკის რეგულირებად სფეროებად განსაზღვრული რეგულარული სამგზავრო გადაყვანის M2 და M3 კატეგორიების ავტოსატრანსპორტო საშუალებების მარშრუტებზე მგზავრობის ტარიფებისა და შეღავათების დამტკიცების შესახებ“ ლანჩხუთის მუნიციპალიტეტის საკრებულოს დადგენილების პროექტის განხილვა.

/მომხსენებლები: გიორგი ხელაძე; მათა აფხაზავა/

დღის წესრიგის პირველი საკითხი: „ლანჩხუთის მუნიციპალიტეტის ადმინისტრაციულ საზღვრებში ეკონომიკის რეგულირებად სფეროებად განსაზღვრული რეგულარული სამგზავრო გადაყვანის M2 და M3 კატეგორიების ავტოსატრანსპორტო საშუალებების მარშრუტებზე მგზავრობის ტარიფებისა და შეღავათების დამტკიცების შესახებ“ ლანჩხუთის მუნიციპალიტეტის საკრებულოს დადგენილების პროექტი მიღებული იქნა შენიშვნების გარეშე.

მომხრე: 5

წინააღმდეგი: 0







ლანჩხუთის მუნიციპალიტეტის საკრებულოს „იურიდიულ  
საკითხთა და ეთიკის“ კომისიის თავმჯდომარე



/გიორგი ხელაძე/

ლანჩხუთის მუნიციპალიტეტის საკრებულოს "იურიდიულ საკითხთა და ეთიკის  
კომისიის" წევრთა დასწრების სარეგისტრაციო ფურცელი

20.06.2024 წელი  
12:00 საათი

	სახელი, გვარი	გამოცხადების დრო	ხელმოწერა
1	გიორგი ხელაძე	11:56	
2	ია მოქია	17:00	
3	კახაბერ ასკურავა	ჭებუიძე	
4	მავა მშვიდლობაძე	ჭებუიძე	
5	კარლო წილოსანი	11:55	
6	ნინო მშვიდლობაძე	12:00	
7	დარეჯან ბურჭულაძე	12:00	